



Broj: 01/14, 01/15-02- 357/25-4
Sarajevo, 4. 2. 2025. godine

PREDSTAVNIČKOM DOMU
PARLAMENTA FEDERACIJE BIH

Bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		U 4 -02- 2025	
Org. jed.	Broj	Priloga	Vrijednost

Odbor za energetiku, rudarstvo i industriju i Odbor za ekonomsku i finansijsku politiku Predstavničkog doma Parlamenta Federacije Bosne i Hercegovine su 4. 2. 2025. godine održali 2. zajedničku sjednicu. Zajedničkoj sjednici je prisustvovalo osam članova i članica u ime Odbora za energetiku, rudarstvo i industriju te osam članova u ime Odbora za ekonomsku i finansijsku politiku Predstavničkog doma Parlamenta FBiH, tako da su ispunjeni uslovi u pogledu kvoruma i odlučivanja.

Na 2. zajedničkoj sjednici predložen je i jednoglasno usvojen sljedeći:

DNEVNI RED

- Razmatranje i očitovanje na mišljenja i izjašnjenja na usvojene zaključke sa prve zajedničke sjednice odbora, a koja su na odbore dostavili Regulatorna komisija za energiju u Federaciji BiH (FERK), J.P. Elektroprivreda BiH d.d. Sarajevo i J.P. Elektroprivreda HZ HB d.d. Mostar, Zavod zdravstvenog osiguranja i reosiguranja FBiH i Zavod za javno zdravstvo Federacije BiH, a koji se odnose na ranije podnesene Inicijative za izmjene i dopune Zakona o električnoj energiji Federacije BiH (Službene novine FBiH“, broj 60/23).

Na osnovu člana 44., a u vezi sa čl. 69. i 70. Poslovnika Predstavničkog doma Parlamenta Federacije BiH, Odbori podnose sljedeći:

IZVJEŠTAJ

Ad-1

Razmatranje i očitovanje na mišljenja i izjašnjenja na usvojene zaključke sa prve zajedničke sjednice odbora, a koja su na odbore dostavili Regulatorna komisija za energiju u Federaciji BiH (FERK), J.P. Elektroprivreda BiH d.d. Sarajevo i J.P. Elektroprivreda HZ HB d.d. Mostar, Zavod zdravstvenog osiguranja i reosiguranja FBiH i Zavod za javno zdravstvo Federacije BiH, a koji se odnose na ranije podnesene Inicijative za izmjene i dopune Zakona o električnoj energiji Federacije BiH (Službene novine FBiH“, broj 60/23)



Uvodno izlaganje o navedenoj tački dnevnog reda dali su predsjednici Odbora za energetiku, rudarstvo i industriju i Odbora za ekonomsku i finansijsku politiku Predstavničkog doma Parlamenta FBiH.

Nakon uvodnih izlaganja Odbori su zajedno sa predstavnicima Federalnog ministarstva energije, rudarstva i industrije obavili diskusiju, tokom koje su iznijeli svoje prijedloge, primjedbe i sugestije i na kraju pristupili glasanju te jednoglasno donijeli sljedeće:

ZAKLJUČKE

1. Odbor za energetiku, rudarstvo i industriju i Odbor za ekonomsku i finansijsku politiku Predstavničkog doma Parlamenta FBiH traže od Predstavničkog doma Parlamenta FBiH da zaključkom obaveže Regulatornu komisiju za električnu energiju u Federaciji BiH (FERK) da u primjeni Odluke o određivanju dodatnih krajnjih kupaca od posebnog društvenog značaja broj: 07-02-1-1387-71/23. godine od 19. 1. 2024. godine izuzme Zavod za javno zdravstvo FBiH i Federalni zavod zdravstvenog osiguranja i reosiguranja FBiH.
2. Odbor za energetiku, rudarstvo i industriju i Odbor za ekonomsku i finansijsku politiku Predstavničkog doma Parlamenta FBiH traže od Vlade Federacije Bosne i Hercegovine da izdvoji subvencije za električnu energiju Zavodu za javno zdravstvo FBiH i Zavodu zdravstvenog osiguranja i reosiguranja FBiH jer su predloženom izmjenom Zakona o električnoj energiji Federacije BiH („Službene novine FBiH“ broj: 60/23) u obavezi zaključiti ugovor o tržišnom snadbjevanju električnom energijom po tržišnim uslovima, gdje bi cijenu električne energije nabavljali po cijenama koje su najmanje 100% veće u odnosu na cijene električne energije koju ovi zavodi sada plaćaju.

Za izvjestioce u Predstavničkom domu određeni su predsjednici odborâ gosp. Admir Čavalić, i gosp. Kadrija Hodžić

PREDSJEDNIK ODBORA

Kadrija Hodžić

PREDSJEDNIK ODBORA

Admir Čavalić